

集部

欽定四庫全書集部

莊簡集卷十五

侍讀正孫球覆勘

詳校官庶古士臣翁樹培

腾録監生臣程廷璋

男二年 (1900年) 5.00 在衛果 見日復一日年已從心如舶 ) 五春渡海今瑜二年 達元宵後有專介自發 公書殊政仰也即日 宋 撰

簡窺豹一斑亦足見其大器矣如行李匆匆且納還 某頓首度日来起居住勝三經新解未能偏聞然當門 有宽大之意囚錮之人皆起生還之望此亦妄想耳 稍 夜半或五更睡覺來熊坐定息吐故納新舒眉引手 得潘居士雖在酒色林中十二時中亦要着便宜其次 船已離港汉入大洋两軍已交鋒生死劈面來如何 倦再睡此活計大不負人得正月十五日一報聖主 與 と言う 胡那 衡書

**某頓首早辱報教過情之言伏讀愧赧於承起居住勝** 書異時不患不流傳也四卦二書俟食罷探伺無雜寫 諸 聞雇夫殊未集非三四日不辨如此少駐固有名矣來 面納所懷非此能悉不宣某再拜 1) TIN 1015 日度必未行有嚴氏小亭欲具早膳烹茶少欵廣盡叩 即娘不宣某再拜 疑忽忽語離便有干里之隔切幸不外務子两等贈 莊簡集

金少里人人 成揮汗奉簡幸恕草界此詩切不可示人它年乘樣北 那赤子之對因黎姥夢事偶爾成詠方以為魏乃紫属 共再拜午暑伏惟起居住勝早來批句當聞唐人有諸 鄙句寫呈一笑昨晚一士人來傳公黎姥夢事枕上偶 還可以出矣今日必未成行有所關勿外幸甚其再拜 既捷且工如差邪二韻古之作者不遇此耳不勝致 卷十 五

早 涧 **效其狂言矣公有所疑亦望指擿豈如世俗以諛言** 覽否區區欲再見之意誠有所未盡也僕於左右亦當 服令嗣寒熱必不作行尚從容底圖避近不宣某再拜 見此僕相求之意也度今早必未有它客聊級區區 悦哉此書本不以示人以公致力於斯文之外必能 作起居住勝昨暮聞有威集殊恨然四卦不知當經 顿首今日果成行否想一番勞勒過此亦遂多事矣 在簡果

生不敢失信於朋友豈敢預計邪得家人去冬書云孟 矣别紙所喻尚意爱之厚但各在一涯會合未有期 名 外士不肯讀書又耻於下問有見過者點坐而已然净 陳逢時緣了襄事因得從容符子繼往想今冬不落 中前湯字鄙句何以流傳至彼和章又得千里一零海 金グロノン言 因以訶候動止不宣 點温伯雪子目擊而道存自愧癡頑不能頓悟 卷十 耳

ヤンコンノン音 三 首尾六年惟書史可以自娱此心不敢它用也給伊居 菜不知前世作何大因緣有此無量善報耶某度獨海 端慧與令即年正相當但人事有不可預定者言之但 博女子已一面出通第四兒子已一面娶婦今諸孫女 快恨耳某再改 雖多惟孟堅女子僕去家時幾周時今十四歲矣聞極 人生享全樂孰如德起者六十之年有此具美無愧老 與蕭德起書 莊簡集

求妙麗丹砂草附如啖魚內徒資嗜慾耳自謂享榮贵 感悟今幸頑健如舊其自離鄉朋友丧己如胡已茂 非 全真無慮數十人多緣不能節省世緣全真在會稽搜 嗜酒色乃有取死之道古宿云出世間法乃大丈夫事 併己横傷之後愈覺寂寥天之報施果何如哉厚之貪 相近必時會合城中見諸友皇一一致意許厚之夫婦 釋悲惱過當遂至大病幾入鬼録瑜年得安始飜 相所能惟公勉之其中問縁丧第三子遠鄉無與 紙

付之一沒耳只今惟一僕自随隻影萬里私自憐悼近 · 商海未快仇人之意時時撰造此身已在生死之外但 當作私史誠誘事兒子亦就速諂獄至今得家書十年 某 頓首顧戎來辱問訊意愛甚為三復感數三月二十 薩出來也救不得豈不氣哉 得便宜今為一聚枯骨有甚便宜到這裏便世萬諸大菩 日忽有昌化之命乃因次子孟堅為鄉人所中云僕 與胡邦衡書

5/5.) Dial /11/10 10/

脏箱珠

某 **某咨目上啟秋暑異常伏惟衛生有道台候起居住勝** 索序引中間亦草得前日因私史事凡平生具草盡付 方入公館酒掃尚完明窓净几復理琴書即以度日承 作此不宣某顿首 釋自足名世何假區區之言顧君忽過此云即行草 丙丁尋亦自悔更俟神思稍定納釋續奉寄也公之 金万口厂人 旋得省割大理具獄兒子軍峽州永不檢舉父子 訓

灰色日青一八百 書 不 佳篇乃未當得見蘇李句此句 憂情無與晤語領來書啟緘快讀信如執熱之濯清風 其因益此數人一向投開此其罪也置之勿復道連日 悵 界 此 敢當三序須俟神問志定今未暇也然亂 然也諸友自知無益各已 餘人賀許二郎官凡五六人各降两官使人不能 潘良贵舍人各降三官追書胡寅侍郎鋳職 大禍固無可言而累及平生知友如張素程瑪二尚 莊簡集 相忘外矣架空造此不 法則工而 擬 非 散之文皇 其倫 扇摇 坐通 則 矢口

憲復差一武大夫李皇者來守昌化皇本張俊太傅軍 則 女子己外生已非偶矣事午汗方浃背勉作此紙関果 日 僕孫女多俟公還朝未免當擇一端謹以配君子長兒 足發揚妙趣以傳示後來聞命愧惕令即氣象未易量 來呂愿中即桂林未必便有相害之意小人觀望田 **璟霖官麗暴無禮觀望上司百端凌辱郡中官僚士** 付两丁不宣某咨目上啟 與海南時官書 五 Dr. Jonal Litter 小亭以檳榔載竹為勝二物皆有香杜子美詩云雨洗 有同者却煩無示某政上荆華解元 為令器軟欲以竟民為名而字之曰元壽可乎恐宗黨 其前承示諭令嗣新年當命名觀其氣象静重秀爽必 八十老翁豈堪推辱如此耶 人不許往還行戶不許供應飲食囚之空解死在且暮 與羊荆華書 空簡集 ł -

羊四蹄酒二尊軟約上助諸公行春大瓶甚佳云是臘 文場决勝之具來早定行無縁請別逐中萬萬加愛不 其 啟早辱訪别不無帳然移時起居增勝筆一枝即為 宣某政上荆華學録 涓涓淨風吹細細香以細香名之可乎早凉乘興寫得 納 上某上荆華

Redami. Million 甚某敌上學録刹華 擇之其東息上學録荆華 粘以示郡侯亦一美事也切不可更粉節以彰拙惡幸 都的本不欲廣昨蒙垂諭再寫呈或得諸公和章可聯 不可分惠僕一口不乏也餘客須君誤希用其它二公 造煩二公為東道僕以過客例不出亦覺老後羊切 莊簡集

丘亦 佳 某昨辱過顧長牋見貽議論聚然三復增嘆想晨夕起居 夜來獨坐因改細香亭詩落一縣似覺一片之意有所 即令服其上削華晚具家餐未時可過某白 過早飲否某痢為自朝下手方合了焙乾百五十圓 勝所論左氏能發明春秋之旨孔子云左丘明 耻之則是其好惡取舍未當不與聖人同也後來 挑燈來與偶得奉呈但換一長字以易押只今能 答符秀才書 耻 可

金ラロアと言

范胜之徒各成一代之史亦不免互相議評是置可以 久足四年公書 明 得矣吾子有志於問學况已得良師異時當卓然有立 レス 於世願言勉之泉老荒唐又何以進馬目昏手顫不聲 因元凱以求左氏因左氏以求春秋無乎聖人之微旨 杜 儒紛紛之論羞未易以臆决其是非至如馬遷班固 始事或後經以終義或依經以辯理或錯經以合異 元凱益終身好之自謂有左傅癖其言豈的然者若 短而廢所長乎况丘明親授經於仲足故傳或先經 推簡集

時更有何時平生學道今粗得力故能於煩惱泥中 喜無量姜山風景清幽而吾師行業孤峻鐵磬家風千 **扶啟王勝至辱示書三復嘆詠伏承日來法體安勝慰** 來事豈敢希求芙蓉有云從來不了只為今時若了今 古不泯矣僕違離鄉土十有三年過去事不復追念未 塵不染瘴鄉炎海本自清凉固難與俗子道也然生死 所懷某敌上 與姜山嗣老書

次十三三 人士 忽勉作此紙惟祝加愛不宣玉申十二月皇其啟上 來切望垂報適連日天寒雲色凄黯書問填委意思荒 本是偶然為東坡而少留無不可者來歲家中必遣人 令小兒打疊方丈迎請歸庵蘇公有云恨西湖之久别 去來本是常事若罪垢未除真心宴坐無常來到撒手 師首來諸事成辨無柴米之虞若師真有退間之志便 便行別紙所喻有退居之意不勝欽嘆大雲墳庵本如 莊簡集

**基啟老兵至辱惠問勤勤詞語超勝三** 黄精遠寄極荷某已造直掇寄近村三十里然古人既 棺槨衣衾不敢發也 多事不免見笑於大方之家也但吾儒以孔孟為宗師 死漾在尸陀林中劉伯倫常以師自随曰死便埋我楊 孫以布袋界尸入穴則去袋此皆達人大觀能辨 不流滞於三塗一點軍靈自有去處如此殊覺今日

今不離於當念而摩詰老人掇移妙喜世界不為 神通 濤渺然人情物態久亦安之乃知華嚴重重世界十世古 體安稳其衰年头處遐方粥飯之外有以自樂海外風 未忘鄉味餘人並無能及黎香僅有四两供佛之外或同志 安開經禪之外必有妙句幸時見寄惠笋乾時時咀嚼 坐想姜山長松敵道流水涓涓如在目前耳吾師 相過時熱一雜便如坐實陀山與白衣對談也 アノハンロドーノハン 與 胡邦衡書 莊簡集 向

力行一 意 今學者彬彬知所尊仰何陋之有劉賓客作謫九年 其能耐人也仍審即日起居增勝吉陽天下至陋窮 <del>其</del> 有 信 崖 雖 不 乏 便 小 海 之 隔 風 波 亦 可 畏 惟 是 跂 深用感戢五友履此風濤烈日而色味殊不少變信乎 仰未曾少忘也郡中附至四月中所惠書并玉友魚醢 耐不辜此風月則無入而不自得也相與勉之而已 謂陽數之終當變况吾二人已踰一紀天道好還 一忍字需之象曰君子以飲食宴樂若能日 飲 賦 醇 處 但

金少世人人

+

次でコランでする 氣 來者云尚未行甚悔輕付也春暄伏惟起居住勝春後 其啟近因許秀才便舟附手書并超養昨日有自昌化 宣某項首 殊無好懷此間雜花如桃李亦罕見之意天地中和之 所遣人至今未到一身寓此日有意外之應然劉伯倫 两 縣今再罵去幸因的便却付前本也北耗香然家間 至此盡矣言至於此亦似可沒前所寄六詠欲易三 莊簡集

海又欲居九夷豈虚言哉武王克商封箕子於三韓 也三月三日其啟上 今為禮義之國吉陽之居公之不幸而一時士類之幸 坡 知詩書醖 孤 寂會下士人如向携公書來及小裝氣象已超勝 所云近黄舜楊秀才已到書館相近得此一士少慰 鍾自随死便埋我則又釋然耳出無友之說該 釀之功亦大矣仲尼嘆道之不行欲乗桴 如東

あつりる丁金本司 一 丹四粒蔵之松中将取以授子僕以擔杖已行不及翌 **微養生說僕不暇閱納之懷中臨别最長道士言我有** 疑之是夕忽夢三道士來黃冠予若将起程北歸者道 然亦未敢遽服者不知和國為何人六月二十六夜忽 唐伏起居增勝昨蒙惠丹固璀璨精華非止扶泉而**已** 某項首盛介至辱真翰三復感嘆不容於懷欣承優兹 士 邀僕於去城六七里間授與道書两卷云是司馬子 脾疼異常天明方止而鏡中形容贱覺瘦齊異常心甚 莊削集

泰之時伏惟味道之腴知德之與起居住勝某衰於如 陽 已如舊豈殘生未即埃溘有同逐之幸與不宣某類首 香作禮先服白丹一粒其餘不知可繼進否两日氣象 始天感悟蔵之松中者松為十八公神固告之矣晨起焚 E こグモノ 問趙主簿長沙人和國為龍趙云張丞相封和國公 **類首前月末黎下班轉致中秋所惠書於承善達吉** 粗已安居不勝慰喜咸律適盡元正俯臨賢君子道

琴書自娱不知身在萬里外也承喻易說叙引固當如 錢 故 然中間得李守書云吉陽羊米特勝 雖 Calman tria 有此數物人生更復何求况君子無入而 餘真自重不宣恭頻首上 有檢舉之文仇人在朝固已絕望死生禍 自九月 擬 非 其倫 初鄉民不靖 則 不敢當已勉作數語俟左右北棘 莊簡小 郡縣擾擾至今想已流 諸 郡魚蟹亦不 古 不自得 福定非 聞 郊赦 面 想 偶 論

其少態近逢時託撰軍學記雖已勉強撰得已下手列 意外之處去秋人田令津遣三两老姊婢來孟堅不在 來尊少俱康佳僕家書不出此月必至隻影萬里頗 第才業人皇如此後必中耳令嗣想不廢學異時必能 繼公清風也令郎氣聚可喜為胡邦衡子而命又與僕 刀筆以俟幸速得之恃愛忘率爾悚息之至元衛未中 石矣但昌化軍學記五字欲得那衙作漢隸比已令停 似它時寧為由人必不為接人也呵呵似聞盧陵書 有

金厂口屋

卷十

肯 家不知小兒能辨此否得孟堅書煩能不廢學抗論甚 令 端 湧 獲至實餘俟後便某再拜 偉其已為書一幅忽蜀僧行密至袖出寂照庵三字如 スプランニュラ 要 郎氣象不凡又朝夕侍側日聞妙言異時未易量也 亞換須俟從容 早某再改 士之容即已付郡侯而前勝及僕惡礼彼以人情不 月閣三字森然如入武庫見古劍戟凛然如湖正人 莊簡集 五五

某手啟昨顧巡檢行奉記伏承老人以壽然想人子之 多矣漫裝界卷子一軸風和日媛或不憚頑承興 痛豈易堪忍况吾友至性過人幸勿至傷生尼父每以 灑之幸甚其再啟 左右作漢肆文雖不工然古之碑碣赖字畫以傳遠者 某 猥 慰中間在 瓊管作 雙泉 記 君前携去副本意欲得 道立教載在禮經過此失禮意况五十歲以上血

金万里尼三章

· 東空四車全書 晨起曾晏坐而喜抄書以此不得全功於鍊養但絕欲 超無力心志健忘聰明不及前時矣又縁為文字纏擾 至此 居住而 在清湘出入王安撫家諸處雖已申奏見在本軍城裏 栽 此 比少年時吾徒處憂患之際又瘴癘侵其外惟痛自 抑乃免病苦至怨至祝近緣議者傳供擅離貶所見 不詳具八十老人死自其分耳年來亦覺損泉步 今已町矣度此報至朝廷必已釋然曲折符尉知 諸司尚以為疑陰遺使人直至昌化解探節前 上新藤

其再啟其老病日益泉率加以產點未請社門待盡以 甚的因致此幅紙不宣某啟上 言或以僕近日動静一寬朋友之念也丹砂甚妙為更 氣致柔真形神之俱妙大畧如此覽封州書感嘆不可 僕本命作小熊青詞末云滌除玄覽悟色境之皆空專 數粒古人云內丹既就外丹自來豈其然乎偶此便 四五年色身尚强耳十一月九日至節是日戊午乃

宣 文字四事主書 共 何 Pή 之後国站革鮮以助真氣凡居丧有疾飲酒食肉聖 至此古今军有如僕老病死自其分公令遭此家禍 此久不通書唯是懷企道義未當一日忘也吾徒憂患 啟 以遠業自重勿過悲傷居瘴煙之地血氣已耗七七 可勝言仲夏酷暑起居住勝其老病如故日夕 許儋崖瘴毒之地獨不比有疾乎 相望不遠而風濤淘然久不承問動止此心 ·莊簡集 ナヤ 汎 傾 掃 仰

當 亦專 年 中 無常迅速故汲汲耳 君子乎剥必有復否 此 此 浩然之氣未嘗不自若也 四月家僮至復香不知消息舶 閒 ジ バ 時至即 飲食無樂僕之 論 放盡為已之學至處憂患之際則當安之若命 此事因剛 行 非如吾友盛壯之年前程萬里惟 揜 也除以 此 澒 終 間為況甘君 鄙 则 又垂盡之年惟 傾 邦衡豈俟鄙 那 説因而不失其所亨其 **衡素明此道需之時** 船今歲無往淅者 必能言之僕 言仲尼作 知生死事 祝乘 自 胸 則 惟 易

且任之古人以離火宅棄妻子為勝尚子平之徒是也 吉陽氣候與昌化不異君子無入而不自得千萬勉之

時録本付陳氏永為海外之傳不但蔵秘篋笥間也 湧月二詩極超勝本不欲出而光芒萬丈孰能過之它

共 氣爽伏惟道體超勝患難至此正是看力處想宴居有 不宣五月朔其啟上 啟相望隔小海風波沟然宜相忘於無相忘也秒秋

20. 7 ml 121

在節集

佳 **某啟甘子行曾奉手函諒已塵視日來煩暑伏惟起居** 封人消息何自而來周機宜何人哉人情物態近益可 金牙口屋色言 能不以為陋內有黄卷聖賢外有青於士子或一枰 畏不宣某战上邦衙學士老友 以自娛動則觀書以廣智静則息念以存誠賦詩一首 彈琴一曲古人因而能通用此道也江西必續得近耗 勝其老病如常儋崖天下至惡弱之地吾二人居之 卷十

友 之間 落未能致一物修城立塞一勞永逸尚何罪乎聞太夫 上三酌之餘陶然自樂是非榮辱了不相干故十五年 かんとする かいう 詳舍人公相見為僕致意三衆惠醖此意厚矣念正牢 識之士魚而有才相從踰歲如一日想能道僕起居之 人襄事須俟公歸甚善甚善不宣其啟上邦衛編修老 雖 老而未死益有出乎死生之外者符子海外有 莊簡集

其誰 金ケロル 海 某 而 願 敢 示太夫人行狀律之者撰伏讀赧然此非老於文學者 無由面談切冀保重不宣某頻首 **頻首使至辱惠真翰深佩** 輕 不敢言則 但此文須少從容若 付 隔不啻弱水人情險處過於蜀道去冬常作書 敢為然那 即 1. 1. 日恭審台候住勝其老緣椎魯不文遇辱寵 非僕之志豈足以慰士友之望邦衙之 衛名節凛然老朽得附名其間豈非 止述婦人閨門之行其他畏避 雅意相望雖若不遠而山 幸

文皇四年十三年 1 深於街數者能言之一切順受更有何事僕年垂八十 覽機宜公書超然如見其人亨仲亦蹈奇禍益非 自爱某又上 裴晉公在朝言陛下方以孝治天下願免從其請禹錫 劉夢得滴播州柳子厚以禹錫母老願以柳易播是時 1移連州今聞邦衙有奔喪之請不知大臣中亦有 如晉公為開陳者乎今冬郊恩邦衙歸有期矣願益 莊簡集 偶 慨

間 渠 有 問累之茂遠奇士僕初南遷過臨川預以書戒其勿 加之罪豈無名乎然一犬吠雪百犬皆應連月人情大 喜進者尚下石不已所論無根却非廟堂之意既言 擅離貶所見在清湘言者亦得之傳聞使有意見害欲 消息甚惡心不以為然今間機宜公所報悲愴不 田書慨然及出十餘里外相进清談終夕傾倒 但心志尚強耳清河時間動静然謹不欲以無益書 可笑置之勿復道也年來泉頹步超瞻視皆不及前 僕

7

Æ

えるから ない 尚 却能稍寬老人平時恭禪於夢幻死生是第一義但子 又帳然如那衛往來書亦不免為煨燼矣如詩文它日 敢作書近又緣虚驚取平生朋友書問悉付丙丁已而 憂患中陶寫性靈實賴詩酒張第劉昉楊愿皆惡病 如此人者世豈多有造物不仁何奪之遽耶如聞秦國 殂孰謂造物果無心耶老懶加之畏禍又善累人皆不 母之情豈易割邪但漸遠漸忘耳機宜公數詩皆妙作 可求也崇再拜 莊簡集 Ī

復 **基啟自辛酉度嶺今十四年矣前此郡縣皆遇善友不** 金テレルとこ 有流落之嘆近縁呂即到任小人散艷意望超推皆 與陳伯厚書

處之澹然至於老兵不過抽去數卒無所損益但小 避 有陵藉之意平生守道遇所當為雖則錢刀鋸在前不 賴上天養祐背我者殃害我者亡而祐我者昌以此

觀望鬼怪百出未易筆舌陳也政使趙鴻之言得徹廟 諸司自可一笑前此固知足下必來愚意老率之

耳今田憲既深知公似可無疑矣 言先入於諸司以公與僕厚不能無過應益為吾友慮 與王彦恭書

其啟去冬忽郡中備坐省割勘會在與不在本軍**無行** 

人情怕怕觀望百端至今遠近知友無一人敢通 一宗行遣事雖無根而諸司絡繹郡遣使臣微服察 問

者 白還公元官復知雷州 探 いのできると 今日初方有人北來者士友亦節節通書言事已 佐簡集 間之而喜可知也過去事不復

有 但能寡欲自可無病彭祖云上士別床中士異被服 具述因禍得福事宣偶然想今已到家種種如故矣 何 人不免取最小兒孟傳若來不出今冬未知人事又如 幸災樂禍者多不足怪也公氣候却一向安樂吾 伏惟台候起居萬福某老病如故年幾八十直旦暮 即漕之除豈小郡所能淹留耶僕年來衰病傍無 具未知何時握手相從一**沒**耳想廟堂深察旦夕必 峽州亦不知音耗自公行後所傳多端不可具述

金万山左至言

K.

安撫老友乙夾三月二十一日 武德郎王唐近又為士民所訴渠不勝忿又申奏朝 澄邁令黃璋權郡諸司按發現在海康取勘諸司差到 叛見起兵誅討未聞平為吉陽累政不得人百姓無告 てんしる 日本 だれる 留二陳矣皆異事也向熱千萬自重不宣某啟上彦 及諸司言結連陳適兄弟謀反兹事體大聞瓊司已 襄不如獨卧此最要言海外近頗擾擾瓊州黎人 莊簡集 重

在 立身揚名以顯父母是所望也 育為士為農勉為忠孝戮力以事田畴先期而畢租 嘆而已因見諸父老為致此意惟祝率勵子孫仰事 隔遠不能效朱仲卿死莫桐鄉東望雙溪叠嶂之勝感 頃守宣城無惠爱及民今巳二十八載矣年垂八十死 承寄示宣城父老王霖等申狀讀之恍然既感且嘆僕 旦暮自度此生不能再當郡寄以無循斯民又道路

求丹砂實濟扶衰之用某再批孫女乃孟堅次女年 很 宴坐絕欲忘緣莊老吾師也其餘經史且可撥置僕今 日 恭事驚憂不小數日所傳朝廷已察知其誣王盡復官 くれのは、から 年七十有八平生萬事足所欠惟一死耳年來諸况如 人情怕怕想杜門飲醇與僕况味同也自去冬緣王彦 但腰膝無力然平生故人死亡界盡通封川書為轉 踵至可付一沒耳那衡憂患重重宜有以自寬清心 知雷州了城壁人情践變凡知友半歲不通問者連 在簡集

及笄親期能稍緩為幸益不可越次故也 グロ匠 人工

此今果然也僕已為太夫人撰得埋文其間有難回 **某啟久不通問實以小人窥伺者聚不欲以無益之寒** 温奉累也日來起居住勝令早林令自瓊州專人報秦 公十月十八日及故前日散文不見此公階位心知

女口

宅上自有專人至矣其老病遂有復見松楸之望度不

者前已為上淨本須面納也前日赦文固知非渠意想

矣 天三日年二日 原 出二三月間必有朝命可即促装也惟保愛是禱不宣 罄所懷某啟上三月二日某項首 便促装勿以細故滞留也昨日一報尤快意謹納上 文漫草就不能盡聚替之意望不外垂喻餘非面見莫 邦衙且夕必有指揮幸加鞭相遇於雷化間幸甚 二月二十六日某啟上 二月二日蒙恩檢舉移郴尚未被受省割至即首塗 莊簡集 Ī 埋

前奉書并銘文外矣中間人情尚未堅决故不能無過

處令似稍定檜黨界盡先太夫人銘誌報以奉寄然猶 姑忍待之不知邦衙已得移命否此無可疑但促業且 未可示不相知者僕已有柳江居住之命然未得省劄

書云正月十八日已遣两兵今猶未到不知带得公文 來否遞中恐浮沉耳某少懇近以邦人欲得儋耳廟記 夕必至或傳已得家書須令人計會省劄昨早得小

僕 頻首上 十二三人各皆被召如陸升之乃傾陷僕與孟堅者今 正熱須早行日中少駐也某再啟 台眷均勝過儋或僕已行即便可入行衙少駐也天氣 平生故人如蕭振賀九中皆已擢用前日不合通書 揮灑之僕得公文即行前途定期少數四月十日某 撰成念非邦衙妙翰無以增潤散散之文幸輟少刻 莊簡集 <u></u>

書曾未及報乏便因循殊愧惕也即日伏惟台候增勝 |舊物方深慰喜俄聞復有投聞之請殊不可料中間 禁項首一别甚久遭罹禍患不復具言近聞還朝尋復 之死生禍福固已素定如吾仁甫才識學問豈能終死 其紫恩近徙脱瘴癘之鄉固已厚幸幸不可數亦且安 之乎處憂患之際政須勉力想曠懷達識不俟老朽 已勒停編管雷州天之報施何如哉孟堅已復官歸矣 與呂仁甫書 J. J.

區之言也宜城僕舊所臨仲雖又僕故人也街觞道舊 顫不盡所懷不宣某頓首上仁甫郎中老友 見寄一洗胷中萬斛之塵誠所望者連發鄉書目昏手 想有足樂至於寬觀溪山之勝追繼隱侯之妙作時或

一人にしのいったい

莊簡集

ŧ

				聖金 テロアノニ
				ÿ
				卷十五
				_

大心可知 から 自執政大臣下速臺閣之士皆極一時之選故殿中侍 中靖國初太上皇新即大位號召天下名賢聚之朝廷 欽定四庫全書 則 議官御史專以犯顏嬰鱗排擊奸邪為職若論而不切 莊簡集卷十六 不能起人主之意辨之不早則不能折禍亂之前建 開樂先生奏議序 莊簡集 宋 李光 撰

異已者固龍市權熒惑主聽握國柄者幾三十年諫爭 於此可不謂先見之明乎司馬温公誌召獻可墓稱 之路自此塞絕卒之强敵肆虐生民塗炭公之言始致 此分祖宗基業自此縣臣非自愛而憂之蓋為陛下憂 金グログ 其過惡章凡四五上而不已且曰若果用京則治 雖 御史陳公伯修其一也是時縣京方為翰林學士承音 社稷憂為天下賢人君子憂未幾京遂為執政盡逐 明智之士未能知其必亂天下也公獨概然論奏條 卷十 乱 自

今世士大夫徒知稱誦陳瑩中而知公者尚鮮豈非造 達先識已所不及若伯修可謂無愧於斯人矣某當恨 奉 膝之言秘不敢傳乎古人之稱死而不朽者如滅文仲 state the state 默公既殁其子某乃集録平生遗葉得奏議十有五篇 既殁其言立是也韓退之作諫臣論曰入則諫其君出 不使人知之者大臣宰相之事若官以諫為名宜有以 其職使四方後代知朝廷有直言骨鯁之臣顧不美 列王安石於海內歸重之時人主信任之際以謂明 54 柱簡集

金 牙口屋 生言 生氣而彼紛紛者果安在哉覧是書者亦可為持禄 公雖 以書抵武林張子韶求予序冠其首子韶曰伯修立志 士今二十一年矣追惟平昔因汝然而書之嗚呼君子 如 不 此一陷黨籍至老且死終不用凡有志於斯道者孰 擇利畏禍者之戒云紹興三年八月二十日上虞李 惻 人不两進和諂得君則正士危理勢自然無足深慨 然其雖生晚幸及識公於三衛引接海誘待以 流離窟斥終身抱不遇之數于今望之凛凛尚有 卷 國

基序 欽定四庫全書 吐 之翫內不列琴書圖盡之觀蕭然一楊而日将息其中 為勝壤當於南偏作堂卖造而深隱外不假莹池苑囿 予兄德充寓居越之餘姚實在龍泉之北江山映带最 於治生則信有術矣何自而知養生乎德充曰嘻子鳥 納導引以求長年因勝之日養生客有過而問日子 記 養生堂記 人性 筒集

四方延見方士多矣神仙之說雖傳記脩載然皆虚荒 **客意有未盡汝其為我記之其自少年喜閱道書游走** 來告日予闢養生堂世俗之人或以為疑予雖告以大 予之養生果異於治生乎客無以應其方滴處南荒書 **自中之荆棘而梨棄生導害稼之稂莠而嘉穀植子視** 坐一室心超三際方以形為舍宅神為主人灌漱乎玉 知治生使子而知治生則可與論養生之妙矣予今無 池之清泉以溉丹田呼吸乎玄牝之冲氣以管尺宅鋤

**炎定四車全書** 澄心觀照而日奔趨乎是非利害之境遂使氣自出入 真積力外功行俱圓者未易到也世人不能捐棄外事 幻怪不足考信自陶隐居以正一之道授王知遠潘師 乎內神自馳乎外神氣各行子母不相守至於天死者 根皆廢心想都滅胎從復氣中結氣自有胎中息然非 論最簡而易行者其說以住息為妙益息息之中神氣 正司馬子微皆蟬蛇而去然其法後世军傅惟抱朴子 合如嬰兇之處乎胞胎及其至也如釋氏之入定六 | 軽簡集

甘於黎霍以慈儉為可寶故無侈汰之遇以朴素為 高位之傷德故每安於甲官知珍脆肥濃之害性故自 門是謂天地根綿綿若存用之不勤此二者皆胎息之 将 帝問答之語最詳摘其要言曰無視無聽抱神以静形 門戶也德充學道垂三十年平生寡欲無所嗜好悟厚禄 論道德之肯其要言則曰谷神不死是謂玄牝玄牝之 非不幸也古之善養生者莫如廣成子莊周之書載黃 自正又曰汝神將守形形乃長生老氏五千言雖泛

無 炎定四車 到百 變滅惟圓明一點歷級而常存今大乗諸經倫載 飛 徳 争年而比壽矣尚何慕於彼哉雖然廣成子修身千二 有 百歲而形未當衰老氏則跨歷商周至秦莫知所終又 尚故絕聲色之娱今以從心之年白鬚紅頰浮沉里巷 行自在出没去來真遊戲事古所謂神形俱妙殆 充倘無修此道暇時訪尋禪宿私透西來的的意 深於此者西域聖人已成等正覺視身循浮雲 一不如志者雖使不知吐納嚥激之理固可與數子 莊間張 斯事 抓 则 須

洪範論五行一曰 藤州寓亭北窓其謹 悽 泥灣之上風雨對床其心有日矣給興甲子五夏幾望 里 是也其去鄉四年爱傷困悴有他人不能堪者德充萬 鍾莫崇於山其平於海故海中之水無不鹹者自 然因書其未以見區區之志異時倘遂生還将築室 致書必以此道過相勉策且有白首相從之語覧之 瑣 州雙泉 記 水 曰 記 潤下作鹹山者水所出海者 雷

人工力与上上方 漫流者上江水取去人遠者井取汲多者雙泉在郡之 渡海而南曰瓊瓊本海中山耳而雙泉之井獨冠於 往告其人而郡守求亭名與詩遂名其亭曰泂酌且留 者也都人初不知貴蘇公端明南遷過瓊酌水而異之 澄清澈莹若永鑑不見其流動之形葢所謂乳泉漫流 東北隅周縣回抱泉給實間其發源甚機初為小池泓 羽茶經論水云山水上江水次井水下又云山水乳泉 廣豈其源淵所禀得天地粹靈之氣而不資於海邪 在簡集

漬湧而出水既渴泉益湍駛因各盛以器皿色味初 暴雨派溢衆流散漫灌注於外四方之民無男女少長 自两龍口入下池則泉之屬發者益眾水益深廣每當 架指便泉之勝乃革居一日盡出積水因得詳究二泉 異味者非虚語也泉自小溝南走十餘步溢為方池又 不可辨久之界皆謂西南來者尤清甘然後知只尺而 詩其上紹興乙丑予自藤江再貶海外以三月皇至瓊 所從來盖一井而有两脈其一自西南其一自正北皆 若

忽去銀丁擲大身何時見天矯翔霹靂誰言鵬背大更 老以為信然蘇公既不載然亦莫有見者獨惠洪記注 自蘇公發之舊傳有白龍當露脊尾氣浮水面詢之故 挈餅器就院濯者無畫夜常滿雙泉之名聞於遠近實 水之美惡今所在潭洞池井以龍得名者其神靈或能 覺宇宙窄語雖不凡然決非蘇公詩龍之有無固不係 興雲雨而未必皆甘泉也益水之有源其畜必深畜之 Salant him 詩其界云異哉寸波中露此横海脊舉首玉箸 经簡

金少旦尼手書 上下然後得之今乃不出户庭几席之上清流滉漾 山 徊 横絕吳楚非有本者能如是乎世所稱甘泉多出於深 源 出泉蒙禹贡載禹之治水之跡亦詳其所出益水之發 亂 酌泉而歌之曰泉之冷冷兮以濯予纓泉之湛湛 胞扉潺湲之聲夜到枕上風月之下每興客把酒 不過格与間及為江沱潛漢為渭為洛則貫穿中華 則其發必遠其為龍神所宅焉無有疑者易言山下 石中好奇之士至躬探遠討不憚嚴軽之險攀縁 

草 萬 本末使後來者有考焉四月七日上虞李某記 同 何瘴煙毒霧之能侵邪歌罷軟於然自得忘其身之在 括或横素琴予既寓居之久矣日涉淺而汲深嚥激元 兮以洗予心朝資予之食飲兮暮伴予之孤吟或泛流 Ve. 10 wat 1.12's 和 里外也獨恨海外險遠不得與惠山虎丘南零諸水 滌除煩襟玉池生肥兮沙礫變金凛水雪之遠齒兮 間飲牛羊而產龍鮒矣流俗所傳既多怪妄因志其 列於圖經非蘇公一顧之重則斯泉也委於荒榛蔓 在簡果

學校王政之本也三代至治之世未曾無學皆所以 金牙口厂三三 方學者如孟傳子之徒皆愈然從之升堂入室至於三 而 際學校廢缺雖齊晉之大國晏嬰叔向之賢未當一及 於 專師 此魯獨僖公能修洋宫而詩人歌詠其德鄭惟子 偷崇教本長育人材而化成天下也周東至春秋 孔子則 校而仲 昌化軍學 自鄒魯始當時諸侯雖不能盡用 尼追稱其仁益古之學者以聖王為 記 悉 ÷ 而  $\aleph$ 四 明 師

大口豆 山百 問 以來繼志述事弗替益隆乃闢成均乃建辟雕黨庠 我宋之與崇儒重道聖聖相承至仁宗皇帝始記 天子之尊躬執為裸非道師萬世言法天下疇克當之 夫子賢於竟舜遠矣豈過論哉自漢以來其道益隆 故孟軻以 頌 各得其所而三綱五常之道賴以不絕無他學故也 難疑問答其界見於論語至自衛反傳然後樂正雅 治天下之道當時條對成以學校為請照寧元豐 謂 自生民以來未有如夫子又曰以予 莊簡集 觀 雖

勝至是人謀龜筮實協實從諸生獻謀工徒輸力富 舊學庫恆傍迫居民人士每病之也先是城之東南隅 之秀日以增風每點下晕試於有司者至三百餘人然 見兵草里間之間晏如承平人知教子家習儒事青谷 靡然嚮風唯海南地處遐裔雖屢更俶擾而是邦獨 序達於海隅可謂威矣逮主上中興和戎偃兵天下沒 原追選氣象軒豁黎早拱揖昌江映帯實占一郡之 無事乃詔中外謹庠序之教復太學之制旁達郡國 不

從 蔽使一變而至魯再變而至道将必由是敌之昔蘇公 者 莫不罪具固足以激奮士心作新後學士之周旋其 いいの日かしんは 舍賓客之位附於三門線以周垣崇以列戟下至危温 學落成且於民家得古肖像華冠象佩遠合都魯群賢 效其貨貧者尸其勞郡守陳侯適亦樂從之期年而新 且將磨揉還幸日趨於善變島夷亦服之陋為經 樂之鄉丧祭冠婚無悖禮之失機祥巫覡祛習俗之 祀 取法上库御書有閣講說有堂齊祭有室誦讀 莊簡珠 間 有

此異時長材秀民業精行成登巍科膺膴仕者繼踵 請念方泉病人廢筆砚屢解不獲因書其經始大界 又多及見前輩喜與遷客将一日握衣踵門以學記為 則予雖老矣尚庶幾及見之紹與二十二年歲次 放逐至此時得與其士子相從文字問而王霄諸 數之也今相去五六十年間文學彬彬不異閱 風方杞夷廟貌猶殷因先生與已關弟子散英臻 商居此邦有遊學舍詩云攝衣造两塾窺户無

金ダビル 二言

炎芝四車 三方 图 皆鏤其頰皮如雞腸垂之連耳因以為號非自然也去 吕 人馬氏生隋末累世策動有平冠之功建國開府比 詔 封廟 侯夫人諱洗五代偽劉之世封清福夫人紹興己吏 化軍古儋州也後漢四商傳載儋耳國最恭順其俗 十月庚子上虞李某記 碓 儋耳廟碑 額 用太守陳適請邦人敬事之過於南海城 在簡集 古

舶 们 而 百 見夫人具畚飾躬率人夫遷之工畢而人不知今凡 吉貝為生故多跣足富者穿履機而已蘇子膽曾 者徑尺豐成幾不論錢故內年不見丐者雖無富 紅土宜諸芋民資之以為糧歉歲惟食諸諸有二 餘年地形爽道東皇黎阜下臨長江百川 水易洩故無旱涝之患雖地狹民貧而酒若皆資 舊城去今廟三十餘里日海灘常有水患一夕 俗偷約婦人不曳羅綺不施粉黛女子自少小 灌注 瀕 種 有 惟 海

而為之主宰舊說二廣益陰中之陽故男子弱而婦 累日自即守已下旦望朝謁甚恭必有神靈以鎮一方 者 強男子多坐食於內而婦人經營於外豈其然乎紹 原士人謫居者相踵故家知教子士風浸盛應舉終場 詩云馮光古烈婦至歌此送迎詩近年風俗稍變益中 不應每歲即序羣巫踏舞士女斬輳簫鼓之聲不絕者 人生有功於國没能庇其民天有水旱民有疾苦求無 凡三百人比往年幾十倍三郡併試時得人最多夫

Salore Mil

生簡集

萬 城 忠 之日 至乎儋丙子其月天子推曠為之思北歸有日矣邦 父老巧予文以記其畧因念謫居之久蒙冒煙嵐脱 且賢錦 池遷黎山擁抱完且堅邦人敬事人益處年豐米賤 死天地神靈實祐之謹躬請廟廷再三稽首碑而 酉十一月建寧軍節度副使李某得罪於朝三貶 歌詩送迎巫蹁蹬 國 名儋耳古所傳鏤如點肠耳垂肩夫人為 織 平亂功賹然爰擇休壞美水泉居人按 堵 銘 於

死足口其 人皆 林耿青燈之閃閃兮怨秋夕之未央記音容於彷彿 雲分徒見夢於楚襄恨尤物之不可久分無衾枕於空 容滿堂忽歌喉之宛轉分聲過雲而遠梁異巫山之 婀 之則長瞬明眸而流盼兮瑩秋水之清揚良辰勝日賓 有美人分天一方秀外而慧中分體便前而生香腎支 娜兮曳六銖之仙裳表傾城之巨麗兮施粉太白增 感春辭一篇為自然使君作 1 莊簡妹 朝

者一笑而揮 贬 虚 冥 牖 掩 醨我分為客彼得所歸焚香清坐神氣 點 而 莊慕壯夫之猛烈兮悟釋氏之真妄浩歌徑醉 沸 銘 [폰] 唧 淚之浪浪于時 親循依依而奉承嗟予生之耿介兮視死生 吳伯成推官晦堂銘 唧 とう 而悲鳴祖清夜於蘭房収亂志於短弊 2 煩暑既退微露宵零風蕭蕭而 叁 + 相随有來唁 飲 雖冥 於 醇

為座右 至陰之原日行於其升於九天物無遁形聖賢體之 重 晦 State of the 院 矜 上虞餘姚之間青山 僧仲珣實嗣南山下惠通律 関以 **ビ**ス 而 此事上貌庸意誠以 明谷虚能應水静則清政惡察察善無近名如處 銘 觀户庭惟伯成父皎皎夙成老氏和光舜曰勿 姜山静凝院鐘銘 盤紆寒溪漫流中有招提曰静 莊簡集 此 臨 下氣和而平我作 即講席有架干指香 址 用 凝 詩

傍姜嶺之賴其山我我其流消消我銘斯鐘可干萬年 宗風雷震霆擊聲世昏韓天鼓既動罪垢俱空平湖之 觀世人逐物丧真莫覺其悟三界沉淪爰有大雄 書抵里人平江守李某求銘以識其上乃為銘 仰旁震萬壑聲聞九天幽途告海無不解脱於是珣以 净供人天所依爰作大鐘以聲旦暮羣聲六時有所 等慈寺於上虞為大伽藍慶歷中咸潤師所創建經 少世屋と言 等慈寺鐘銘 曰 獨 我 歸 振

脫之變金碧之區對為草茶越二十一載有僧首妙智 聲而頓悟沈幽途者聞響而解脱其功用豈不大哉實 既 紹 誠稽合律度範模陰陽凡用銅三千六百的高廣之數 厚薄之齊成適厥中將以覺昏聾滅罪垢送法性者尋 師志遠始出其衣囊與其徒法常無募衆縁經營而 深聚應如響於是消擇吉日精求良工得富陽人陳 新之師既以大展安四衆又欲以鴻鐘響六時悲願 興辛酉九月其日也邑人李某親兹勝事随喜結緣

そこりュームか

脏腑集

五

金グロ 如霆淵達出明聲來耳邊不於空生若夢而覺若醉而 隨出扉曠叔長夜永無出期天鼓一動若輪息機如雷 爰作鴻鐘以警朝昏滅除罪垢誘掖善根衆生愚癡淪 心為物所轉故於是中觀大觀小若能轉物則同如 世尊語阿難曰一切衆生從無始來迷已為物失其本 乃為銘曰 醒眾真羣魔稽首聳聽 Ė 轉物庵銘 生ごし 諸 佛出世開方便門引導衆生莫捷聲聞 卷十 欠こうこうこう 欠無 以為 嗟夫學道之士以成佛為難則一切聚生無復有得者 現是金在鋪中必資鍛鍊當知一切衆生各有佛性無 礫欲成黄金雖經百鍊終不能成若銷金鑛則鑛盡金 諸菩薩方修行之初或投崖飼虎斷臂燃眉立雪齊 如是勤勞然後乃得未有自凡夫徑超佛果者譬如瓦 利王割截支體不生瞋恚循不了悟其餘大弟子及 縣非專苦行非離苦行若契本心則苦行如 知易則世尊大慈大悲經歷塵叔受諸苦惱至於 Ī 莊簡集

雖 自念此身流浪濁穢涉世不止卒蹈大難昧 成金岩不明本心則 金少世后 若能轉物即同如來咄哉瞿曇莊蔣癡飲物無自性我 有去來随有不昧因膀所居室曰轉物而為銘 所轉無有了期於是宴坐一室反觀自性六用不行 即是菩提無明即是佛性失其本心去道愈遠我今 知乃欲除煩惱而求菩提拾無明而求佛性不知 相平等妄情不起真心偏知特在一 1 如黑月履於險道當觀人與 峞 六 轉之頃耳昧者 其根塵為 曰 非 煩

大王のきしてき 端嚴之珍玉德斯具私蔵深淵如士未遇出為世用匠 紫 情塵們空揣骨此庵無所住者何人具頂門眼試雜疎 漢仲舒期汝衰然飛聲天衢 親 亦 淵之精膏潤不枯以界猶子在其動渠杜門著述如 非有轉者為誰徒勞心手知無自性復是何物瞥起 孟 端 堅硯銘 硯銘贈六十 五姓孟容 莊簡集 ナ と

星 庭及其為用也波濤沟沟一 端 步 實學毋事虚聲 經史講磨世務伸紙落筆三峽倒注丹墀縱言青頭緩 石 溪之英非黑非顏方其未用也匣而藏之以瑞其家 权功 人皆誦詠泉所推稱老人志願 酶 孟珍房相樣砚 翰墨緊汝之 温 つす 潤 中涵文彩不露伏膺寒腮守此直素研寫 助 绍 卷十六 揮而成文字之祥皎 如此汝其勉承當務 **女口** Ð

鑚是研飛聲丹陛落筆萬言 端溪之石非繁非赤断為汝硯斯文是力唯古聖賢是 スペヨュ ノニラ 極老仙匣而藏之以界曾玄東德之操如石之堅種學 席上之珍錢之彌堅日吾衣鉢尼久所傳孰為汝師南 文以磨以研治吾墨莊若農服田國奉滅裂其報亦 斯 孟珍端溪方砚銘 孟傅砚銘 砚以貽孟傅方寸之地破暗發蒙消滴之 莊簡集

給事伯高項於維揚得是盡歸為致政中大夫生朝之 見則壽昌世人多圖其形像配以靈龜松鶴三物程公 晉書天文志云老人星常以秋分見於南方或曰南極 全其功 膏潤無窮溢為江河升為雲龍匣之藏之不敢妄用以 壽且命友人李某為之贊云 賛 老人星質 我間古之真人服氣餐

文是日一八十二十 震騎箕登天惟世者耋上應星聽清秋既分雲月娟 在 展見南極其光時然瑞公家庭非雲非煙惟 松 臨隱積德行仁克生忠賢無衣侍側玉潤金堅 徜徉乎水涯山巔閱世三百與此三物而周旋者 如龜果運或金章紫經出入乎黃扉紫隨或芒鞋 正 獻 正 獻杜公正色立朝以不欺為忠尤抑侥倖 祁國杜公書贊 在简集 此老 人嬰 如鶴 娟


ノーニ 哉小人欲容身保罷者往往及舉以相戒曰 還之以是為昭陵所敬一時正人羣和所忌 文寄示遺像子適有所感因再拜稽額而贊 是特活激取名耳嗚呼悲夫公之六世孫 凡內降與恩澤者每積至十數則連封而面 公獨左右之缙紳之士聞其風聲雖千歲之 猶足與起其功利之及天下後世豈不大 ᆺ 師


契髮龍異鱗犯顏塞養匪躬壽考康寧昭明有融出哉 つこう 三 容敬觀遺像遐想英風揆路百日萬世之功嗚呼祁公 一部大朋淫黨同謂天可欺謂俗皆難曰位可竊曰身可 於穆正獻大節孤忠天骨秀板泰華倚空致君唐虞稷 牧牛圖贊 11: 是唐韓晉公筆晉公書與族人幹本相上下 博白蘇令汝文出此圖相示二童子各收 牛其一牛背上吹笛其一坡上箕踞而坐云 莊簡集

平原曠野熟視牛跡豐草長林随意所適彼二牧童道 あけせたとう 送自得陽坡箕踞牛背横笛咄哉慧蔵狂念未息孔鼻 拽来費許多力 湯香味勝粥朝飲一 **越作金栗湯贊** 以書其後云 本筆跡蕭散自是名筆何必託之斯人哉因 及位將相耻以自名當時固已不傳矣然此 卷十六 杯和氣滿腹處處現別是

此 名金栗 顔 不離静能作此觀是真入定 惟觀世音有感斯應蒙頭宴坐如金在井法無起滅動 くこうこ 因辱我獨何人敢怨顛覆杜門却掃轉禍為福德雖 鄰道貴靜獨學當來已言豈媚俗明總静几助我 回院窮單熟自足揚雄草玄寂寞天禄嗟古聖賢遭 子贱合人寄入定觀音像因讚其上 不出赞 1111. 莊簡焦 丝

欺為忠得死牖下是惟善終雖四山相逼五蘊皆空唯 今年八十百病相攻今夕明月炯然當空似我方寸不 庶其聲曰清與白而避其名吾言豈欺既久必 間後有 金少正乃生善 良史東筆而傳循吏庶比夫上逸事而補闕文者也 皇之儼然如臨其民即之温然如見大賓曰守與令而 讀優哉游哉以俟其復 病中自贊 柳守江君畫贊 卷十





欽定四庫全書非問其卷十八

曆録監生臣俞光豫

侍讀臣孫球覆勘

詳校官庶吉士 臣翁樹培

スプロサールから **耿真無愧矣嗚呼士固重其死不幸生於危亂之** 莊簡集 西安撫大使李丞相復寄示 入郎洛洛相望蓋將友其人 **養置其上軍事判官東陽** 李光 撰

覽公遺像誦江西之文庶知予區區之意因併書其後 右間立本列帝圖王暫家物後歸吳珏儀仲子守永嘉 標率則偷生茍免媚賊稱臣者何所惮乎後之登斯堂 間遭時變故將靡然而從之不有特立獨行之士為世 傳神因使崇得之後有富公序跋距今緩七十八年而 日其子祖忠出以相示偶建安僧靈機善畫人物尤工 以風吾黨云 跋閻立本列帝圖

15.75.1 D. 1. 7.1.1 如此斯人豈斯世者哉紹與丁已前十月會稽李某謹 獻之門使遠民被忠議者不能無遺恨於斯 祭公自本朝第一等人非獨字畫也然玩意草木開貢 緑素断爛乃甚於前 公奏議器覧一二篇如聽咸池九韶之奏亦可見仁 題富鄭公奏議 **跋蔡君謨茶録** 重或疑其非真然富公親筆看看 莊簡集

靈其功甚大不可輕議但去古既遠分劑率用升斗有 子觀干金外臺秘要諸方書皆前古聖賢有意拯救生 **衙所著心用方最為有用五十年來中原士大夫家藏** 令人不能晚者初公和甫本朝儒醫博學能文精通醫 主無愧斯文而已 中但吾老矣時時焚香整冠以手加額願汝輩遭逢聖 宗皇帝天地之大德終始無虧如一元之氣點行乎其 跋再刊初虞世公用方

ライマンヨ きっ しょかい 療無不愈者雖門類不多而包括殆盡信奇書也自兵 此書其間所居僻遠一旦老少疾悉難致良監按方治 破矣紹與癸亥二月初吉上虞李某題 無出此書者遂欲刊行因以所藏本授之無退方具域 專巫祝之事子謫居于瓊偶與郡守論近世方称之妙 與以來北人多流寓二廣風俗漸變有病稍知服樂不 知醫藥之可恃稍加崇信則機祥禱解之風不攻而自 **跋陳元達鏁諫圖** 此所非

時為元海所知而聰尤顯用之其忠於所事未為不順 多而不失真是可肯也劉聰盗據中原愍懷蒙塵之後 予觀陳元達鎮諫圖劉聪震怒於上元達慷慨陳說有 為邀時幸禍者是大不然元達本後部人方居貧隱約 臣事之乎或者以此責元達不知所託昧逆順之理以 海內痛情忠義之士把腕切齒義不共戴天况肯北面 人物態度各有生意予項仕中朝嘗見此本今傳摹雖 不屈之狀劉氏手疏倉皇却諫庭下二人雍容救解其

浮虚以竊龍禄一旦都然臣賊以至勘進固不罪也聰 也晉室之亂士大夫世受國恩如王夷甫輩平時祖尚 勝韻凛然有古烈士之風固足以羞愧一時貪夫倭人 解衣以激素帝朱雲攀槛以悟漢成殆無以異其孤風 之失德元達職為廷尉捐驅盡節鎖树而諫此與茅焦 一顏尚何訾云温陵康元壽暇日出此圖相示遐想其 相與數息久之 5 **跋碧虚子纂經** 生前年 29

金好四月 全書 **庚午冬至後四日再閱一過碧虛子何人出入儒釋道** 昨所言維摩經字畫精妙僕所暫藏今以遗荆華海外 外之士道家者流乎其時見潘子當質之 三教可謂博達之士矣自念平生交友未見其人其方 理當自荆華始可不勉哉紹與辛未五月十一日無礙 餘卷異時此那之人黃涤成熟悟真如之性造無生之 不知佛法公能留意於此日誦一卷以歲計之當得百 **跋維摩經贈羊荆華** 

居士 減二王近世惟江泉仲嘉作字得楷法不幸生宣和間 為本朝第一惟藏子瞻善論書可繼君謨而氣起勝不 とこう こここ 世之學禅者雖雲門洞山黄葉臨濟諸家各有所宗其 今世鮮有知者本朝惟蔡君謨天資超勝輔以力學遂 之豪肚各自名家考其筆意未始不同此論聞之前輩 所傳心印一也書法亦然顏柳之瘦硬歐虞之端勁徐李 **跋許鄭所藏法帖** 莊前住

金牙口匠生言 動作字不俗然但知學東坡書粗得其形似而不知私 遷官好收古法帖其淵源所來亦遠子與之往來至熟 一許朝善書其大父班雖商人而喜與士大夫遊東坡先 書法弊壞之時莫有知之者令三衢尚有仲嘉子姓及 生與之甚厚作酒子賦贈之其父某遂累取鄉舉為南 法然後知東坡字畫有所宗也後生作字若知用筆意 碑刻而程俱致道亦善論書令皆亡矣予來海外昌化 公之書自二王諸人來故予嘗勉覲力學以古人為師

死皇日本 1000 亥九月下濟許子偶攜此老來為跋其後 紹與辛酉冬予得罪南遷切子孟傳生緩六年未能從 予人處荒裔如逃空虛聞人足音跫然而喜矣紹與乙 行今二十一歲兵蒙恩近改柳江一日書來寄華嚴經 便如王謝家子弟縱使不能端正而氣韵自覺起勝也 八十之年目昏手顫字畫歌針貽笑同社復憐其勤懇 卷曰鄉僧法久募士大夫如經之數各抄一卷自念 跋所書華嚴經第一卷 為與內 於簡集

善財童子一念發心頓無能所自覺自悟本來是佛豈 家長者所著合論發明至理尤為簡妙選乎世人流轉 旦相見即日豁然既知是父敬喜悲游更無可疑亦如 不了然哉 無量生死時其本心如吾父子隔閣既久忘其面目 日而畢重惟此經所說華嚴重重世界不可思議而吾 之意不忍違之晨起監手焚香日課総三百字凡十 ラノビノ クラー 雜者

R. Ou Challe 顏子陋老之安見人之盛與甘脆肥濃則思仲尼飯疏 羡慕之心見居處華潔過度凉樹温室洞房窈窕則思 少年欲屬志操見世間膏粱子弟當以儉素勝之不起 夫陋人之稱見賢思齊見不善楊然自省則可入聖**賢** 衣敬縊袍之温若能置吾言於座右常作是觀無免鄙 之域古人不難到顧力行何如耳 飲水之樂見人之佩服車與犀象珠玉之珍則思子路 示孫文 莊簡集

能脱豫且之網能七十二錯無遺策而不能免到勝之 **熱子瞻幼年未讀莊子因過外家程氏架上有南華真** 患及作顔樂亭記云人能碎千金之璧而不能無失聲 昔年有見于此中口不能言今見是書得吾心矣自是 流血脉多自莊周書来如云白龜能見夢于元君而不 經問此何書知莊周書也公且飯且讀因喟然嘆曰吾 凡意所欲道筆端悉能達之其為文雖不剽其語而源 效莊周句法 一致定四庫全書 一人 能科皇甫鎮之誇如此等語未易縣舉山正詩人所謂 能開衛山之雲而不能回憲宗之怒能則爲魚之暴而不 審察量才與差遣子曰陛下以久在東南用江浙士大 上嘗諭侍從今各舉所知踰月遂以姓名奏上人不過 奪胎換骨法也 于破金能搏猛虎而不能無變色于蜂夢韓文公廟碑 二人有古並引對字臣秦檜曰士人稍衆欲止今堂中 書李林甫傳後 莊簡集

中原流寓之士已具名奏上若各引對陛下觀其人才 夫多前日面諭侍從今舉北方士人臣竊見侍從搜訪 求賢之意孫近探檜意不樂乃進曰近報監公佐等使 察其議論然後諭宰相量才擢用無幾仰副陛下側席 猶恨林甫傍無一孫近為助耳 上意稍不懌卒不引對今日偶觀李林南傳事頗相類 餘人皆遠方小臣何用一一引對子曰更在陛下裁處 金國回將人境大議未决朝廷多事侍從所薦幾四十


一致定四車全書 一人 宣州廣教禪寺實唐裴公故宅黃葉道場二公像設存 請留寡鐵磬堂或日静與學徒皆宗律教以南山為祖 馬氣韻森嚴筆法簡古予守郡日命工夢得之顧私家 師得無異議乎予曰不然禪律二宗本相因依後學末 **身為律說于口為法得於心為禪應用者三其致一也** 師妄自分別音寬禪師謂白樂天曰無上菩提者被於 不能嚴净適通公律師訪予五松山一見岩有宿契因 拾黃熊裝公真像 并傷 程前其

諸佛菩薩皆依此二尊者以為師範然後成菩薩之極 禪律並行不相留礙其心有得於此矣恐諸衲子尚有 身妙慧之門以普賢為問答之首者皆明妙智之萬行 故如來所說大東諸經以文殊為問答之首者皆明法 殊對普賢更着白項裝老子夜深同聽祖師禪 疑情對大衆前復說偈曰 果處如來之上東豈有二哉通公志行苦卓識趣起然 子作此文通公蓋嘗刻之石矣字畫既不工又鐫刻 君看鐵磬堂前像恰似文

Proper Leads 此以不朽也五松居士李某題 子友人都德久相過因道師行業之美相與感歎德 所通解益已超然神遊八極之外兵無足深悲者適 月五日示寂坐逃嗚呼師雖學律而於少林宗風尤 追餓至上虞臨別猶眷者要予書且襲石以俟仲秋 失真師意每帳然予以紹與乙卯仲春赴官雪川師 幾望其徒仲珣法嗣遣净人持書至平江言師以七 久書質當今第一篆真行各臻其妙無幾師之名託 莊簡集

饗 雨名垂日星照映終古某之心跡唯公可知遷流萬里 征蠻在庭熟先公雖老矣矍鑠據鞍紛紛誇傷過若風 金りした 靈當東漢之初遊遊二帝君臣定交立談之際帝欲 以心存梓里每懷霜露之悲身處牽鄉 ,涯孤帆漲海寄此一身其卒相之廢幾有神尚 祭馬伏波文 寒食享祀祝文

菲莫具位精善在已受禄於天鄉黨推仁子孫蒙福思 でき ココニ かれら 如有知歌此家餌 生也不辰死因無後每緣霜露之感難忘手足之情神 肥脂酒餅潔豐頭戀南來恍若音容之如在叩頭北望 深顧復雖愈久而不忘報在然當豈院窮而敢怠姓字 為雖以之有阻隔念竟氣則無不之輕竭愚忱躬陳 不知涕淚之無從尚饗 先兄二十五承事祝文



欽定四庫全書 嗟子我實惟其人文章 氣節邁往絕倫傲睨公倭心慕 士有隱居求志而志不獲就行義達道而道卒不伸嗟 頰藜杖幅巾抵掌笑談豪氣如雲憤世嫉邪羣嚣結結 隱論跌宕文史若將終身我初識公嚴瀕之濱白鬢紅 7/01000 7/41 莊簡集卷十 祭文 祭江郎中子我文 上前未 李光 撕

立言雖多意終在民嗚呼哀哉公之志操凛不可奪救 標精典如存我欲有言以號莫聞版忆徘徊寫哀一尊 感受經熟如子我去住蕭然神游八極心編大千鳴呼 費志永已嗚呼哀哉人之處世不遇百年生死輪四情 護衆生甚於機渴不知公者見謂强睹數對便朝詞直 哀哉我守永嘉攜努南奔道過為山歸然孤墳懷想清 里詩文往來曾不我鄙期公對林放浪山水豈謂奄忽 意豁人謂才疏公豈迂闊嗚呼哀哉公在奉祠我處田

口上在書

1

|古人皆歸之天嗟嗟柔直忠信孝友雖武夫悍卒皆知 一葉可為世用而卒于不試或已試不盡而中道天期者 呼哀哉尚饗 嗚呼哀哉四海之內孰非弟見過者必酹奚必子孫嗚 某謹以清酌庶羞之真的告于亡友度州府君龍圖張 維紹與八年戊午四月丁已朔二十七日癸未具位李 公柔直之靈嗚呼哀哉天之生材夫豈偶然或負其器 5:---祭張龍圖柔直文 生气:

一金好正庫全書 那失良收如晋羊祜郡民老哭行者望碑墮淚濡目嗚 聲如漢雜遂化被循俗弄兵演池賣刀買犢子之云亡 柔直早風英躔中遭放逐既跌復振晚剖符行謁時休 嗟嗟世人厭常好奇任數設許謂人莫知謂民可罔謂 其賢為豐其徳而嗇以年嗚呼哀哉我初識子傾蓋握 君可欺孰如柔直自懷坦夷貌如其心燥濕莫移嗚呼 手惟其純誠持以悠久故雖蠻貊可行虎豹可馴麋鹿 可友其臨民馭衆雖教係不設而民之愛之如父如母

本忽逐隔幽明雙親在堂二孤學學我亦老矣朋舊凋 惡用于獲麟中遭禁錮微詞久理晚學末師莫想其 零寫司千里有淚如何嗚呼哀哉尚樂 呼哀哉我來江西實總甲兵入境之初書來歡迎孰謂 放起四年人之子 一 維紹與八年歲次戊午七月庚申朔二六日乙酉具位 給事胡公之靈惟昔仲尼生于東周志不得伸褒善貶 李某謹以清酌庶羞之莫敢昭告于故徼猷閣直學士 祭胡公文 排前其

緘詞千里寓哀一尊嗚呼哀哉尚變 書詞誨言諄諄公既有子付以斯文死生旦暮會何足云 羣萬指行斤不復竟至沈淪泰山其頹無復斯人鳴 呼哀哉嗟我與公跡疎心親我出公入有如參辰琅然 陳入侍經遊獻替咨詢排斥異端誅擊亂臣據經守正 之陽寂寞之濱皷吹六籍若將終身晚遇聖主堯舜是 夷荆榛我為諸生識公成均道與世建衆說日新衡山 天生碩儒邁往絕倫强壯潜心白首知津發明綱領艾 一では日まします 之變大狼豺虎式矛滿前奔逃竄伏畫夜摊護脫予饞 綿汝之生也能自刻勵抄經坐禪令其死也必不冺點 位李某今遣處候陳武以酒食之剪致祭於故吏進義 從予南遷鳴呼哀哉豈謂汝之一病樂石非效竟至流 維紹與十六年歲次內寅九月戊辰朔初八日乙亥其 延予之得罪臺與皂隸散如雲煙沒獨萬里梯山航海 尉副孫昌之靈惟丁未之初汝方事予實二十年武林 祭務昌文 莊簡集

袁哉茶毘歸骨予敢忘汝屬續之言聊致薄真意其有 冀勿樂從予北端今其永訣不可奈何必歸之天嗚呼 淪墮九泉死生出没敗壞相續理之常然予所恨者日 建中靖國元年辛已予妹適餘姚莫叔達越崇寧三年 甲申十月二十二日以疾卒即其年十二月二十一日 知事吾意馬 墓記 莫叔達墓記

葬于縣之雙雁鄉乾溪之原是時子在國學每以不及 「ハイ・フラー ハル・ 家遇人與待交遊初終一心不為頭明厚薄故其死也 見為終身恨大觀四年唐寅遽聞叔達以六月二十八 親故無有怨議既無愧于生死矣方吾妹之凶君始過 此重為可傷也叔達家世儒者少孤而立天性和易居 其生也既不得數與君遊其死也又不得臨尸而一祭 日卒予又竊禄河東自甲申距今七年而君夫婦相繼 不幸吁可傷哉况予與君為姻契蓋有不可解于心者 推簡集

金ケビなる言 詳故其葬也述此以見其傷君之情且以紀其歲月云 生一子歲周而鸡先處其母之側予聞君計得其死之 兒逐無復有繼室意平居臨籍有蕭灑出塵之趣故其 年政和改元三月三十日合葬于吾妹之城從先上也 士李某書 將仕郎晉州岳陽縣尉兼主簿專切教閱保甲管勾學 彦達叔達其字也曾祖政祖偕父易皆隱德那耀以明 死也脱然如有所之復何愧于天壽那享年二十八諱

|於君為伯祖曾大父遂不任祖父式右朝議大夫父調宣 土因居馬正獻祁國公以直道相的陵清節照映一世 杜氏故京北人五世祖董唐末習開元禮以本科出身 然有立君即第五子諱鎮字伯玉宣德君既捐館舍生 仕至太子少保贈太師五季之亂南渡至會務樂其風 徳郎娶莫氏遂為餘姚人生七男子悉使從師友皆嶄 理盆落君方少年能自刻属讀書畫夜不息應鄉舉又 杜府君墓誌銘

INAL DE CALLE

推前非

試於開封崇寧中朝廷以舍選取士君亦入鄉校雖累 中紹與二年進士第蓋將大君之門使君姓名益顯難 成其志力學有聞負笈遊上庠一時名士多舘致之遂 占優等平皆不售及既有子則慨然曰吾平生苦志而 之既夕也鄉鄉有緩急叩能随力眼貸師旦榮歸君喜 不偶者命也則盡以其所學授其子師旦師且又能克 師且之賢亦君善教之功也結廬近郊得江山之勝浮 沉問并間有以自好客至未當不飲一秤之上不知日

マラグモル

家享年五十有九以其年十一月甲辰葬于山陰縣迎 一般定四車全書 一人 今為從政郎新授饒之餘十令次師望舉進士次師爽 予求銘數矣然不止益勤義不可辭於是叙次其平生 學士臨之孫氣節學問凛然有祖風君之將葬師且從 早平女二人長適韓師竟次適鄉貢進士顧大陸翰林 思鄉苦竹小塢之原從先登娶其氏生三子長即師旦 甚為丈戒之界皆忠信孝友立身行已之大節當以祁 公為法可謂知所訓異紹與七年四月二十三日卒於 . 莊简集

畫夜不息逐博通經史下筆為文簡而有法元豐間朝 勒養稍長告以汝父長者當扮汝當為儒君因發情請書 不耀父渭以君登朝累贈宣教郎君九歲而孤母守志 君姓吳氏諱升字潜道明之鄞人自祖德祖澤皆隱德 流則豐君生孔與稽古不逢教子雪恥将大殿宗小塢 之原水遠山崇從先人居永関幽宫 而系之以銘銘曰 左承議即吳君墓誌銘 杜自祁公正直匪躬其源既深其 次を日事全書 盡官吏多遇害君慨然顧謂妻子曰造物于我厚矣始 患君去繞自日水軟大至去樂清未幾巨盗竊發焚掠殆 褐授廸功郎主宣之涇縣簿攝水陽鎮郡太守累稱其 賢而未薦也或曰盍求之君曰彼知我而不能薦我為 曰予不負及今長其可負百姓乎水陽瀕大江素有水 縣政而彌維其失政有大不便者君力爭不能得則數 下寮不求為可知二者胥失也考滿丞温之樂清神贊 廷以經術取士君兩預鄉薦大觀已及遂中進士第釋 推信住

誠當官任職未嘗擇所向蓋無入而不自得也予與事 之梅嶼從治命也君任真自得遇人無貴賤貧富一 首相待如賓子孫侍側雍雍如也人皆祭之先君十年 卒諸子卜明年庚申正月丁酉奉君之柩合葬於四明 為孺人孺人有淑德孝順勤儉能以禮法自持夫婦白 吾請書姑成先志爾今年踰六十二子相繼登科吾尚 及今天子登實位轉左承議郎賜五品服叙封妻史氏 何求哉因掛其兒得左宣教郎致仕以歸遇淵聖皇亦

者享年八十有五未當有疾一夕在然而逝莊局所謂 **魏温而氣清方精力強壯內懷止足之計不待及期而 暴實太學同舍生當至其家見君頑然而長髮醬蛋白** 蕭然家事有無一不以介意晚益蕭散諸子下居擇勝 間從方外之士遇與輕往一杯之上忘懷得失不知歲 治治然勇退雖古高人勝事何以加之所居環堵竹樹 月之老也喜怒哀樂禍福利害之端了無足以動其心 20 10 1 1.11 1 W 得小溪之芝山君欣然從之浮沈里卷間芒鞋野服 軽簡集

真率而得數之多子孫之盛若非偶然者東委一日與 其弟東信纍然東經踵門泣而言曰先君潜德退節仕 官大小教授二女皆嫁為士人妻始君少時方力學有 不刻意而高不學引而壽者君幾是與生五男長日東 顯裕天錫吳升其說雖幻怪不經然退考君平生簡易 道士叩門自言齊頭之夕奏章帝所見食字榜曰龜虧 先君卒次東智舉進士未第次東信左宣教郎諸王 仁四上禮部次秉奏左廸功郎樞客院計議官次東禮

金火四五年書

火とりまこれか 一 老不釋卷博且精平生所修自中誠持身接物心和平 道觀高所為行狀請銘於予因附以所聞而為銘曰 忘懷得失寄一杯遺棄軒是浮雲輕自然壽考身康寧 芝山我我水冷冷中有隱者逃其名少時力學通羣經 脫然視身如郵亭子孫蕃行天可憑積善家家生公卿 不究其禄舉世無知者且持左奉議郎主管台州崇 羽衣翩仙朝帝庭琅函金字標龜龄臨行一念起儿情 何必辛苦棲嚴而即門道士心通靈飛神香眇遊青宴 推簡集

吾友胡沒明諱宗汲世為越之餘姚人自其叔祖父穆 刻詩同識描芳馨深固愁鬱真住城 胡府君墓誌銘

始以進士起家仕至屯田員外郎子孫遂以儒為業曾 祖諒贈大理寺丞祖儼父尚能皆隱居不仕君自為兒

時有成人之據其父目為老子比長刻意問學手未嘗 釋卷夜引睡則以首叩柱其自强如是為文清古不蹈

襲前人一語少年預鄉薦益自信不疑翱翔兩學幾十

次に日子心香 ·忘親治居第首嚴祖廟不以便熊私之適堂室與此規 年會朝廷以舍選取士移其籍以歸久之復不利即所 悔也鄉都仰以喪葬婚嫁與病而醫樂者甚衆以是生 居築室買書以教子聚宗族鄉黨子弟不問嫌昵講說 理益洛君為之不少變蓋急義樂施出于天資或以為 所入僅足餬口而遇人急難極力拯救雖焦首濡足不 模與世俗異登其門者皆恍然自失奉養至儉薄田廬 經史責課程皆發然知化君性至孝雖飲食起居未當 拉前非

真可以託死生者鄉人争訟多就評曲直君每折以理 法皆洒然而返不以干有司聞人一善岩已有之或少 君欲為盜乎既寤巫取焚之每小疾必夢僧伽處方服! 聞也方士有以奇樂燒黃金術授君忽夢若有告者曰 有過差必正色詰前雖其尊屬憚若嚴父師惟恐君之 止之士族避地窟逃顛沛君與之周旋調護恩若骨肉 過君行之愈力嘗曰吾損已以益人雖過于義庸何傷 已酉冬敵犯明越惡少相煽而起幾編山谷君挺身諭

次定日車 五十二 在嚴也那將尤加禮當啖以厚利君曰此非所當得拒 察其廉介不復問務既清整課亦增美尋轉右修職郎監 議察出入吏不能欺郡遣官季點君報囚服待罪象亦 甘泉皆君誠意所格也建炎改元今上皇帝登實位凡 之輕愈所居湖山並海百井皆鹽夢人指其處鑿之得 潭州南岳廟考滿轉右從政郎既而授饒之德與丞其 瀏陽縣及改迪功郎有知君者薦諸朝監嚴州比較務 五上禮部例皆推恩宗人强起之授房州文學調潭州 非簡集

喜曰是必大吾門吾志得矣因復丐岳祠從其子官遊 奉養甚適往來江湖問幅巾蕭散怡然自得享年七十 雖窮老而浩然之氣不少衰議論益剛決謂富貴功名 復疑然有立能成君之志魁多士取甲科聲名籍甚君 之污衆皆數服某與君雖同里用崇寧初始識君京師 不受未幾為郡者以賄聞至下詔狱坐貶獨君無一 可以立致不在吾身則在子孫日夜屬其子為學而沂 見氣合其後契濶離合不常每見必數然道故意君 亳

葬本邑的家湖之原從新下也君平生未當閱佛書死 舍即日護其極以歸士友皆為流涕明年十二月五申 2 10 1 1.11. 求銘于某某知君能詳追惟雅好不敢以鄙拙為解因 經踵門出其友左廸功郎温州州學教授虞仲琳之狀 子男二人長即沂次分舉進士亦有志操葬有期沂東 君所為固有不近人情者夫人能順適之人尤以為難 之日沐浴盥櫛神識不亂娶莫氏有賢行能通書史九 以紹與十年八月癸未卒於其子秀州軍事判官沂之 鞋簡集

餘慶流芳子孫縣縣 造物者不報其人而報其人之天翁湖之濱下此新阡 拇拾其大畧如是銘曰 予自勝再選瓊瓊守張公仲與當為予言通守靖州胡 雖屈于一時分白首远遭其存而不朽分嗣子之賢蓋 十已千見義必為分人後已先心亨志遂分樂只丘園 而堅謂功名可立致分恥没世而無傳强學疾驅分人 靖州通判胡公墓誌銘 漂志節以希古之人分既銳

告靖州兄篤行文雅君子也今不幸即世世之知者盖 last and marked to take 19/ 云亡尚忍言也耶邦衡請不懈益度遂刑取其狀叙而 為無後予再遷儋耳距那衡不數舍一日那衛忽書來 张公亦來二人合談靖州之美不容口予盆以未獲見 公有交将之雅可人也予恨不識其人無幾何廬陵胡 銘之公諱份字羔美姓胡氏其先自建康家廬陵的祖 鮮非公直書恐遂湮没不傳敢以銘請予出涕曰哲人 邦衛自廣東遷珠崖道瓊山見子於雙泉則其季也會 莊前非

屢占高等不喜時文文一出已無剽竊每郡試軟伏場 之外孫公事後母已以孝聞早就外傅能舞宵雅之三 長學章句司業李公朴時沒講席門甚高獨與其進藝 教郎繼室前太夫人之妹儒林郎延壽之女劉丞相沈 族朝散郎祭之女公三歲失母字於李氏姑九歲而宣 不仕祖諒將仕郎考登臣贈右宣教即此歐陽文忠公 三十八釋褐授臨江軍刑曹明習三尺法多所平反吏 屋標望籍含法行貢璧水繼入上庠閱一星學益進年

全タロルノョ

慕得愿量移文取讀之則宜春縣斷牛訟未直也索案 東深刻者折其尾毒力職常最其列以好憂去官服閣 Pro Dave Sealer 放之野牛歸貧人家富人反訟之縣坐以盗貧人訴於 遷據衣州兵曹建炎初官制行改司法繼改辭曹攝郡 州罪之如縣公語吏是不可不直遂歸牛貧人一郡稱 不與也其牛偶蹊富人之門而攘之牛人無敢言久復 不得舞筆時有以深文賊不辜者鉤得其情刑不濫及 見知其冤蓋富人與貧人子居相直富人久欲其居 註前集

散老弱係路命左右傳凡無告者訪所親歸之人多其 禍福卒舍兵拜是日微公幾殆叛將趙萬江江西地既 盗起那無城官分隅以守而隅長不時給米士有餓色 快時給事中李公大有之子同幕以白其父李抵公書 義同僚有去官遭掠者亦賙護其行衆以為難上即位 栗卒數十志言栗紅腐手刀誤呼稍稍引避公獨開以 公然欲斬以間其人叩頭祈哀得免兼倉民與其僚賦 不意老年見古循吏方用兵無機幕郡政一出公畫會

成資賜泉服左魚尋除通守靖州轉奉議郎初州郡率 澧州始至生員才十數既四方來學者輻凑學官大張 一管增其廪入無倉卒憂歲旱盗且前藥與郡將齊禱那 免喪且數年無仕進意或謂恩未暨親乃詣關除教授 覃恩晉從政郎罷歸久之除衡州教授而宣教公捐館 件公不可都大牙蠻獠儲栗寡一被圖則之軍與公經 開邊釁公至務在撫摩九谿按堵首獻琛于朝乞為管 一歲諸司章交改左宣教郎郡以訓導有方上聞得終 莊簡集

文之四車全事 人

首争遣子人學士科對者以內郡禮祖行谿孫總化愈 七娘德於公人無退言男四人昌朝昌時苦學早天昌 吾忍左墳墓久於此乎轉左承議即代還送者卧轍百 然守條死要不相魚切以公善終撫乞留郡以聞公曰 山之神雨随車至鄙以不發渠陽士亡幾公招攜以禮 時嘗舉進士試禮部昌言昌明能緝父志克肖其為昌 而終實辛未正月辛五也享年七十娶彭氏前十六年 餘里弗忍去還鄉轉左朝奉郎請老童顏秀眉偶感疾

言今為右廸功郎澧州石門縣主簿一女適右文林郎 志學品後公二月而死孫女九人長適進士易如璋次適 卒餘在室公為文長於持論在郡庠太學時屢中第一 楊忠襄公幼子尉文次適進士張琴易張两孫女亦繼 新授辰州録事參軍張瓘前卒孫男四人墓品萬昱皆 士争膾炙工為詩得風雅體有書解三十卷文集五十 中鵠鄉山塘之原公性寬易躬自厚而責人薄善如自 卷藏于家紹興二十二年十二月葵酉葬于吉水縣之

もつりまこれかり

推簡集

丈

她享之族有不克祀者春秋享馬從叔父子死養叔母 故號所居堂曰中庸褐入無親疏倒獲以迎雖少公肅 必哭墓雖疾風迅雷大雨雪不避也她是日則設外祖 春秋必身先之事親盡道門時如親疾樂不當不進 談辯終日無一言忤物愠怒不見辭氣或夷俟則曰我 在視寒쎯帯雖夜不解居喪柴毀過禮加等既葬朔望 必無禮呼以緩急無在亡辭儉以幅已祭祀潔豐若節 口出於惡馬隱操復純正雖醫室不欺務以中道訓

**憲網冒寒暑求救不得請食不下咽熱枯弱強有害善** 持官將身廉清所行無碩忌不妄干進當路多平昔同 樂石弗解同舍有取已器物者聚詰責請庚之謝無所 無子為立嗣喪葬計三十萬鈔於我乎出鄉黨或誤往 終其身連舉三喪費不肯不斯從弟貧不給周之及卒 失取者輕公濫政通敏為大吏所知有關員至兼數職 簿領山委日披决至夜分為常大吏或摘語對無 稱者必痛抑雖要人居間不聽也處库序朋友疾夙夜 醪

もとのうけんなす !!

脏簡集

學而兄數字歸美者繼取賢科自是弟鈴鶴連中第而 **陵胡氏世業儒無顯者公始起家里人豔其禁進進於** 一不可吾行之二十年未嘗有失其大概如此予聞廬 |卒不愆于素又嘗語猶子公武仕官惟廉勤和三者闕 之則止有請為游觀地口勞人費財以役耳目豈吾志 舍生一不况汲接至困頭二十餘年澹如也解舍散葺 子姓員禮部相躡皆公發之惜乎公卒老于州縣而不 耶當言不願字色拙於惟科母以賊當改官懼有冤抑

アクランロララ Action 大顯于時蓋有待云銘曰 居姜山相望不十里有湖山之勝聞放累年惟師方便 說紹與壬子自建康得罪還里而依止通公律師適退 予出仕逾三十年百該之餘頗欲歸依佛東完生死之 之光爬痒櫛垢弱强植群吏帖民良父父子子家老術 理刑于鄉邦穀我後嗣玄石昭美千稔之藏 塔銘 律師通公塔銘 莊簡集 禄順東方氣剛以閉蓋徳

九九

為增守遂執業禹述寺元簡律師其後聞錢塘擇其律 錫從之服膺累載卒究其業一時學者皆敬畏之有虎 師即會正記主之門人深得南山四出求異之意因杖 想由是刻屬修行究觀秘義以為由定發慧必用毗尼 聖寺俱實為師年二十二誦經得度即慨然有出世之 二月而生自幼性識明悟志樂空寂父母不能奪禮福 老也師諱惠通字可久姓王氏會稽新昌人處母胎十有 自在逐為運社之交或命籃輿或掉扁舟不知日月之 次主の事とう 宗必大作佛事矣生公曰汝已成之器尚俯求于我邪 又有用暉妙生二師者嘗往返叩請暉公嘗曰汝于吾 場靜凝在餘姚上虞两邑之間雖氣象雄勝而久弗不 進名盆顯知之者益界道俗延住真如靜凝明教三道 自是卷械還鄉謝絕世故人罕知者如是十年而道益 子之稱其公謝講乃以所援鐵手爐并會正記以付之 厦如臨大衆檀施聞名争為築室廬具像設金碧煥然 理破屋數間僧徒不過三五人師至晨夕講論如處廣

敷言命師為臨壇宗主前後若干會程公汝文治越復 律可乎南山有言江南江北求菩提菩提共行不相識 然有物外之趣師雖主戒律而曠達無碍宗説俱通當 欲以僧職處之師力辭不就大駕駐蹕會務城內名監 學徒雲集率不下干指鐘梵之聲洋洋如也或利其成 悉屯兵衛師因謝病歸老姜山講解之暇洗花時竹條 辨倚權貴人易置它所師不為動卒亦其能奪太守徐 云戒律即心也戒生定定生慧欲最上東而不始於戒

楞嚴楞伽法華等經無不該綜以至起信唯識諸論傳 次已以降二六 |愛其音聲易其服制流俗翕然和之惟師能守其舊說 若推原佛心從廳入細持頓漸之異耳師于四大部及 燈宗鏡祖原諸録並綿絡旨統窮其義趣刊正戒業两 疾病全活者甚聚所蓄惟鐵磬得之耕夫每以自隨召 之律師能以禍福語恐動孽俗或創立新奇改更宗旨 泉講習則一鳴之自號鐵磬老人亦以名其堂予觀世 **疏章記尤為精詳平生無長物衣鉢所餘惟眼窮乏康** 性前集

全女区屋台書 故當題于梵夾有講鐘賊鼓咫尺安危之語其後敵犯 賊退之期不失尽刻紹與乙卯秋七月大旱師率象祈 浙東十餘里間皆敵營也師處之晏然且夢神人告以 勤苦堅忍無一毫作相睦鬼竊發師時在静凝領泉如 南平地數配拿山環繞前直城眉一峰因列植松柏將 禱因感微疾即以書告當所往來者且謂大衆曰吾將 師于姜山若有縁其一日與長老繼椿經行澗谷得院 歸山以是月五日隱几而逝春秋六十八僧臘四十六

たっつうという 拔源塞登壇誓求會正復出中與毘尼垂範作則姜池 護持禁戒久而彌堅慈受忍攝隨分化緣聚方紛紜本 **定與日優波離以持律稱九代末師互相抵辱各資已** 到俱法嗣狀師行業求文以識諸塔子與師遊久知師 見正法顛覆爰及南山絕而復續偉哉通公身律心禪 為詳乃為銘曰 二日門人即因之以葬從遺令也予項守兵門其徒仲 自為窣堵波予為名其堂曰寂照以是年十二月二十 我聞如來惟說一乗戒為慧本慧以 莊前集 =

之南年湖之濱石塔巍巍松柏